

古

埽葉山房發行

古今詞選卷三目

吳江沈時棟焦音選

江月晃重山 一首

撥香灰 二首

鷓鴣天 二十二首

瑞鷓鴣 一首

鵲橋仙 二首

玉樓春 六首

步蟾宮 一首

虞美人 七首

南鄉子 六首

春去也 一首

醉落魄 一首

小重山 三首

踏莎行 十首

清商怨 一首

東坡引 一首

唐多令 一首

臨江仙 三十九首

古今詞選卷三

吳江沈時棟焦音選

江月晃重山

初避人

董以寧

幾片桃花。醜面。一圍蝶翅披肩。當初生小在人前。游郎到。迴避只今年。飲笑央人索扇。低眸喚婢垂簾。猶飄紅袖出屏間。還偷覷。輕踢鳳鞋尖。

撥香灰

毛先舒

嫩黃楊柳東風後。熨未展眉梢。雙皺猶記長條。復短條。親折處。牽郎袖。隔年人面何如舊。拖引得綠傷紅。慙除却鞦韆尖。似昔時。餘都是。今春瘦。

又

藥欄攜手銷魂侶。怎不記看承人處。除向東風訴此情。奈竟日春無語。悠颺撲盡風前絮。又百五韶光難住。滿地梨花似去年。只多了。廉纖雨。

鷓鴣天

鷺湖歸病起作

辛棄疾

枕簟溪堂冷欲秋。斷雲依水晚來收。紅蓮相倚渾如怨。白鳥無言定是愁。  
書咄咄。且休休。一丘一壑也風流。不知筋力衰多少。但覺新來嬾上樓。

又東陽道中

撲面征塵去路遙。香篝漸覺水沉消。山無重數周遭碧。花不知名分外嬌。  
人歷歷。馬蕭蕭。旌旗又過小紅橋。愁邊剩有相思句。搖斷吟鞭碧玉梢。

又

盧祖皋

庭綠初圓結蔭濃。香溝收拾樹梢紅。池塘少歇鳴蛙雨。簾幙輕迴舞燕風。  
春又老。笑誰同。澹煙斜日小樓東。相思一曲臨風笛。吹過雲山第幾重。

又佳會

晏幾道

綵袖慙慙捧玉鍾。當筵拚却醉顏紅。舞低楊柳樓心月。歌盡桃花扇底風。  
從別後。憶相逢。幾回魂夢與君同。今宵剩把銀缸照。猶恐相逢是夢中。

又

陸游

梳髮金盤剩一窩。畫眉鸞鏡暈雙蛾。人間何處無春到。只有伊家占更多。  
微步處。奈嬌何。春衫初換麴塵羅。東鄰鬪草歸來晚。忘却新傳子夜歌。

又

毛 斤

收拾眉尖眼尾情。夜來真個夢傾城。鴛鴦有底情難盡。蝴蝶無端夢易驚。  
愁一掬。月三更。繡幃應好睡輕盈。知他莫有相憐分。展轉思量直到明。

又

許 棐

翠鳳金鸞繡欲成。沉香亭下款新晴。綠隨楊柳陰邊去。紅踏桃花片上行。  
鶯意緒。蝶心情。一時分付小銀箏。歸來欲醉花柔困。月澹紗窗約半更。

又 茗戰

沈自南

潛賂蘭閨甘露涼。香浮雀舌勝于槍。玉壺傾倒非關渴。冰椀淋漓太覺狂。  
陽羨紫。霍山黃。可人風味奈何郎。憑伊善啜如王肅。定爾投戈月艷孃。

又 遣懷

宋 琬

咄咄書空喚奈何。自憐身世轉蹉跎。長卿已倦秋風客。坡老休嗔春夢婆。朝梵筵。暮漁簑。閒中歲月易消磨。誰言白髮無根蒂。只為窮愁種得多。

又 陳叔明行年七十有三邑宰高其誼聘為鄉飲介賓固辭不就其殆隱君子之流與

俯仰乾坤一草亭。科頭箕踞眼還青。休妨南郭先生睡。不羨東吳處士星。泥藥竈。護花鈴。春來蜂蝶共經營。兒孫功課無他事。熟讀龜蒙未耜經。

又 送客之金陵

曹爾堪

羅綺香殘舊院空。石城橋畔擁晴虹。柔情常在琴心裏。別意難消燭淚中。江水白。落花紅。小樓山色六朝同。莫愁家近頻來往。蘭槳輕隨燕子風。

又 新秋

蟾影新鉤破碧天。嫩涼池館日如年。三分鶯舌紅蕉上。萬顆鮫珠白藕邊。愁夢斷。薄情牽。鴛鴦債已了前緣。一聲蟋蟀梧桐雨。水簟風清穩畫眠。

又 戲題閨人困扇

彭孫適

蘭吹和煙細不聞。紅蕖夢冷浸香雲。大垂手處千金意。小比肩時兩玉人。  
珠有暈。璧無痕。怎生消得許多春。願將巫女峰頭水。形影團來併一身。

又贈馮  
靜容

上社橋頭鬪綵韉。黃鸝巷口按歌年。當筵錄酒從無誤。隔坐拋鉤絕可憐。  
良宴會。好姻緣。玉兒顏色雪兒絃。別來多少傷心句。寫付吳中水碧牋。

又

魏學渠

垂柳籠煙春岸長。嬌多恩重暗神傷。香凝曉簟羞單影。花近高樓怕夕陽。  
描翡翠。畫鸞凰。拈針仍誤作鴛鴦。東流江水修鱗杳。重檢來書字幾行。

又

顧貞觀

往事驚心碧玉簫。燕猜鶯妒可憐嬌。風波亭下鴛鴦牒。惶恐灘頭烏鵲橋。  
辜恨葉。摘情條。舊時眉眼舊時腰。相思半餉西窗月。狼籍桐花和夢飄。

又閨怨

沈永禎

寶瑟淒清螺黛低。一雙紅筋清羅衣。檐前花落蛛兒占。樓上春寒燕子知。

傷獨自記分攜。短檠消息夢參差。天涯便擬成拋棄。未忍輕裁決絕詞。

又鏡湖舟中

朱彝尊

南國佳人字莫愁。韋步步搖金翠玉搔頭。武元平鋪風簟尋琴譜。皮日休醉折

花枝作酒籌。白居易日已暮。郎大水平流。白居易亭亭新月照行舟。張枯桃花

臉薄難藏淚。韓偓桐樹心孤易感秋。曹鄴

又寓興用稼軒韻

陳維崧

斫屨吹簫吳市間。恨無大藥駐紅顏。詩情浩蕩風前絮。身計微茫海外山。

耽放浪。恣蕭閑。煙波境界十分寬。新銜曲部兼茶部。舊署園官并橘官。

又用稼軒韻

曾倚瑤臺喝月行。嗔他鸞鶴不相迎。當時酒態公然好。今日詩狂太瘦生。

千百輩。儘容卿。問誰堪與耦而耕。灌夫已去袁絲死。淪落人間少弟兄。



又賦得鴛鴦  
沙路遠

毛奇齡

翠鬢紅翹錦蹠低。藕花多處一汀迷。誰憐比翼琴臺瓦。枉識雙絲錦字機。  
銀埽遠。玉塘稀。天長海濶幾時歸。相離只解相思死。那識相思未死時。

又記憶

沈時棟

玉作精神雪作肌。雨零雲斷費尋思。窺簾月色愁明處。拂篔花陰愛密時。  
眉淺淡。鬢參差。露寒香重怕分攜。那知書幌孤眠夜。聽煞簷前鐵馬嘶。

瑞鷓鴣

歐陽修

楚王臺上一神仙。眼色相看意已傳。見了又休還似夢。坐來雖近遠如天。  
隴禽有恨猶能說。江月無情也解圓。更被春風送惆悵。落花飛絮兩翩

翩

鵲橋仙

黃機

一番雨過。江頭綠漲。催喚扁舟解去。重來言語縱堪憑。怎得似而今且住。

陽關聲斷。同心未縮。款款淚珠無數。秋鴻春燕往還時。莫忘了錦箋分付。

又樓晤  
用向  
薊林七夕韻

龔鼎孳

紅牋記注香糜勻染。生受綠蛾初畫。挑琴擘阮太多能。自寫影養花風下。月低金管帶飄珠席。兩好心情難罷。芳時不慣是烏啼。願一世小年為夜。

王樓春  
聞笛

王武子

紅樓十二春寒側。樓角何人吹玉笛。天津橋上舊曾聽。三十六宮秋草碧。昭華人去無消息。江上青山空晚色。一聲落盡短亭花。無數行人歸未得。

又柳

朱彝尊

柔條曾記春前種。乍起三眠妍手弄。煙初幕。塵態真濃絮未顛。狂絲尚重。

夢。依依別緒長亭共。舊雨殘陽空目送。一灣流水小橋寒。留與斷腸人做

又

毛先舒

閒庭悄立愁時候。秋色滿階花似繡。月明背着陡然驚。不信我真如影瘦。  
噲噲孤雁丁丁漏。又是三鼓街鼓後。露珠珠淚一般多。誰濕銀紗衫子袖。

又

仲秋晦夜效  
溫飛卿體

沈永啟

別。廣寒宮閉陰風裂。長夜營營如萬劫。當時宋玉楚江秋。留在人間化成血。  
姑蘇臺冷啼烏歇。鬼火生光漁火滅。摩空海日透遙天。紙帳離魂剛夢

又漫言

原來晝盡還須夜。情懂天公勞殺也。千古精靈何處歸。浮生羸得滄波瀉。

山河大地如傳舍。只此芸芸相代謝。雙鬢消磨濁酒中。憑高一望皆蒿野。

又春閨

魏學渠

黃鶯啼過垂楊路。記得金鞍從此去。五更殘夢碧為煙。一日新愁紅是雨。欄干空憶別時語。羅襪痕輕沾落絮。何須剗地起東風。蚤自銷魂斜照裏。

步蟾宮

無名氏

東風捏就腰肢細。繫六幅裙兒不起。看來只慣掌中行。怎教在燭花影裏。更闌應是鉛華退。暗蹙損眉峰雙翠。夜深著緗小鞋兒。斜靠著屏風立地。

虞美人

後主

春花秋月何時了。往事知多少。小樓昨夜又東風。故國不堪回首。月明中。

雕闌玉砌應猶在。只是朱顏改。問君能有幾多愁。恰似一江春水。向東流。

又

徐石麒

狂奴不愛杯中酒。只愛擎杯手。殷殷小語聽鶯聲。說道一分清酒。十分情。新歌半折香喉媚。消得今朝醉。摩挲倦眼向人時。那更笑持紈扇。索題詩。

又

雨沮  
蓮涇

沈永啟

廉纖瘦雨迷人住。醉夢隨風絮。天公也恁解多情。拚得雨昏花暝。殢舟行。浮生浪影同兒戲。歷盡愁滋味。銀燈樽酒更留連。珍重今年今夕。畫樓前。

又  
贈歌者

周銘

良宵綺席搖紅燭。瞥見人如玉。流蘇寶髻內家妝。一曲新歌何處。顧周郎。

湖  
舞衣未解餘嬌暈。姓字羞頻問。着人憐惜在生疎。別語分明家住。在鴛

又 記情

春風入鬢眉添暈。怯膽嗔人問。頻呼底事不回頭。不信幾番相見。尚含羞。  
防他鸚鵡搖纖手。粉面丟人走。消魂此際在秋波。試想倘然真個。更如  
何。

又 春盡

沈永禋

欺寒做煖閑庭院。糝地殘英遍。沉香釵得燕捎忙。為替長紅小白。罵蜂狂。  
粉闌干外湘簾掛。密密重重下。也應無計可留春。獨自冷拈愁字。祭花

魂。

又 櫻桃

沈 雄

火珠纍纍名園種。曾帶青絲籠。葡萄滿架薦秋風。不及春深一點。口脂紅。

何來挾彈驚相問。莫是當年鄭。嫌他別苑鳥啣殘。只向珊瑚網底。定睛看。

南鄉子

子間納雙  
寵戲贈

錢繼章

茉莉晚涼天。角枕橫施壓鬢蟬。郎似西陵潮有信。誰先。妾似初生月半弦。  
旖旎若為憐。不辨巫峰與洛川。妾似芙蓉花上露。誰妍。郎似荷珠到處圓。

又新浴

吳偉業

皓腕約金環。艷質生香浸玉盤。曲曲屏山燈近遠。偷看。一樹梨花露未乾。  
扶起骨珊珊。裙衩風來怯是單。背立梧桐貪避影。更闌。月轉迴廊半臂寒。

又感懷和雪  
堂先生韻

龔鼎孳

槐影落宮牆。寶瑟瑤笙恨杳茫。負了多情簾外燕。照陽。不見臨春鏡裏妝。

月地問玄霜。遼后臺邊。鈿粉荒。玉漏不知金井換。悲涼。只記長門一樣長。

又月夜

羅襪錦茵重。葉葉銖衣不耐風。去似彩雲來似夢。匆匆。腸斷迴廊細語中。  
愁倚畫樓東。六曲屏山燈影紅。月自徘徊花自笑。朦朧。孤負鑪香徹夜濃。

又邢州道上

陳維崧

秋色冷并刀。一派酸風捲怒濤。竝馬三河年少客。麤豪。卓犖林中醉射鵝。  
殘酒憶荆高。燕趙悲歌恨未消。昨夜筑聲寒易水。今朝。慷慨還過豫讓橋。

又蘇紫藤花

沈永禎

結陣錦香迷。檀霧晴吹罨蝶衣。栽得綵雲為步障。紛披。百尺流蘇剪未齊。



風裊珮環欹。寶珞珠璣委地垂。幾度欲扶扶不起。渾疑。壓架葡萄萬顆低。

春去也

本意 疊  
冬呈原韻

沈時棟

恨匆匆一番花草。怪雨盲風。打疊三春好。紅鷺村畔柳眉低。為惱春歸顰  
未了。約畧脂香全杳。彷彿翠鬟爭繞。碧酣絳斂。奈何春惜春人共東風  
老。

醉落魄

詠佳人  
吹笛

張先

雲輕柳弱。內家髻子新梳掠。生香真色人難學。橫管孤吹月淡天垂幕。  
朱唇淺破櫻桃萼。倚樓人在闌干角。夜寒指冷羅衣薄。聲入霜林。簌簌驚  
梅落。

小重山

林少瞻

綠樹鶯啼春正濃。釵頭青杏小。綠成叢。玉船風動酒鱗紅。歌聲咽。相見幾